

## Sambŭt Pôl Njuăl Ăn Ma Timôthê Rơh 2 Nau bôk ăn bu gĩt lor

Nờm nchih sambŭt dja rnha Pôl, păng nchih sambŭt dja klăp lah ta năm 65, klăp lah 32 năm jêh Brah Yêsu dâk rêh, păng nchih sambŭt dja ta ðon Rôm nôk păng gũ ndrung (2Ti 1:16-17), nôk nây Timôthê gũ ta ðon Êphêsô. Nôk Pôl nchih sambŭt dja păng nờm mân lah mâu hờm jở jât bu mra nkhât păng, yor ma mboh nkoch nau mhe mhan ueh (2Ti 4:6). Sambŭt dja jêng sambŭt Pôl nchih n'glẽ dũt i bân hờm geh ta nau tâm rnglăp mhe.

Gay ma gĩt nau khlay ta Timôthê, dẫn uảnh ta nau bôk ăn bu gĩt lor ta sambŭt Timôthê rơh 1.

Ma sambŭt a êng i Pôl nchih dẫn uảnh ta sambŭt Rôm ta nau bôk 'Sambŭt Pôl'.

### *Nau ỷch ntrờng ta sambŭt dja*

Ta sambŭt dja Pôl ðã Timôthê ăn gũ nập ta nau tâm rdâng ðah nờm nti nklă, ăn nsrôyh kớl sỏm jan kar ma phung nsing, ndrel ma ăn gũ nập ta nau nsing, bol lah bu jan jêh yor ma nau nsing i nây (2Ti 1:7-8). Păng ðã Timôthê lới ôh tâm rlăch ma bu lah mâu geh nau khlay (2Ti 2:16), yor ma păng ðã Timôthê ăn jan kớt ðũa: 'Nsrôyh jan kar ueh gay ma Kờanh Brah rnê. Ăn may mboh nkoch nau Kờanh Brah ma nau ngới ngấn, ma nau di, jêng bunuyh jan kar ma bu mâu ôh geh nau ðit prêng, yorlah lẽ gĩt păng nờm jan ueh' (2Ti 2:15). Jêh ri păng ðã Timôthê hăn jở khỏl păng ta trờm ndrung ta ðon Rôm. Du trong i geh nau khlay hô ngấn ta sambŭt dja 2Ti 3:16 'Đâng lẽ Nau Kờanh Brah Ngới, jêng tả bớh Kờanh Brah ăn Brah Huêng Ueh

ăn bu nchih, geh nau khlay ma ntũm nti, ma nkah ăn kah gĩt sǎk, ntũm nti hǎn di trong, ntũm nti nau gũ rêh ăn sǒng'.

Mbơh nau khlay ta nkỏ ta sambũt dja

- Nau ộp ueh lǎng (1:1-2)
- Nau ntĩnh ăn gũ rǎp jǎp ta Brah Krist Yêsu (1:3-2:13)
- Nau tâm rlǎch ma nơm nti nklǎ (2:14-3:9)
- Nau đǎ Pôl ma Timôthê (3:10-4:8)
- Nau ntĩnh n'glẻ dũt (4:9-21)

### *Nau ộp ueh lǎng*

<sup>1</sup> Sambũt gập Pôl nchih, gập kôranh oh mon Brah Krist Yêsu tâng Kôranh Brah ứch, jêng nơm mbơh nkoch ma nau rêh i Kôranh Brah lẻ ton ma ăn bunuyh i nsing ma Brah Krist Yêsu.\* <sup>2</sup> Gập ứch njuǎl ăn ma may Timôthê, jêng kon gập i gập rǒng ngǎn ngên. Dǎn Kôranh Brah, ndrel ma Brah Krist Yêsu ăn nau ueh, nau yỏ, nau đǎp mpǎn ma may. Kôranh Brah Bở bǎn, Brah Krist Yêsu kôranh bǎn.\* <sup>3</sup> Gập lah ueh ma Kôranh Brah yor ma may, gập jan kar ma Pǎng lẻ gĩt ta nuih n'hâm, mâu ôh jan ma ndơ djơh ndơ mâu ueh, kot phung u che gập lẻ jan nơh. Gập kah gĩt ma may nâng nôk gập mbơh sơm ắp mǎng ắp nar, mâu chuêl ôh. <sup>4</sup> Gập kah gĩt dak mắt may hor nôk bǎn tâm nkchah nơh, jêh ri gập ứch ngǎn mǎp may, gay ma nuih n'hâm gập rǎm maak hô ngǎn.\* <sup>5</sup> Gập kah gĩt nau nsing may rǎp jǎp ngǎn, nau nsing i nây geh lor ta u may rnha Lois, ndrel ma ta mẻ may rnha Ừnh đởng, jêh ri gập lẻ gĩt may geh nau nsing i nây đởng.

### *Nau n'hao nuih Timôthê*

\* 1:1 1:1: 1Ti 2:7; Kar 9:15      \* 1:2 1:2: Kar 16:1-3      \* 1:4 1:4: 2Ti 4:9

<sup>6</sup> Kơt ndri dăng gập nkeh may, ăn may đồng lơ ma hô nau dơi i tă bớh Brah Huêng Ueh i Kôranh Brah lể ăn đơm dam ma may nôk gập mớh sơm tể ti nớh,\* <sup>7</sup> yorlah Kôranh Brah mâu ăn ôh nuh n'hâm i ăn bân klach, yơn ma Păng ăn bân Brah Huêng Ueh i ăn bân geh nau dơi, geh nau rông ma bu, ndập ma blao mât njrăng sắk.\* <sup>8</sup> May lơi ôh đit prêng mớh nkoch nau khlay Kôranh Yêsu bân nớh, lơi ôh đit prêng ma gập i gũ ta trôm ndrung dja yor ma mớh nkoch nau Păng. Yơn ma ăn may đơn hỏm nau jêr jốt ndrel gập ta nau mớh nkoch nau mhe mhan ueh. Kôranh Brah ăn nau dơi ăt nau jêr jốt i nây.\* <sup>9</sup> Păng lể rklaih jêh bân, lể kuẩ jêh bân ăn jêng phung bon lan Păng nớh\*. Păng kuẩ kơt nây mâu ôh yor ma ndơ bân lể jêh jan, jêng tă bớh Păng nớh lể ơm ứch ê lor ma rhắk njêng neh ntu, ndrel ma tă bớh nau ueh Păng. Nau ueh i nây Păng lể ăn jêh ma bân ta Brah Krist Yêsu.\* <sup>10</sup> Ấbơ dja Kôranh Brah lể nhhơ jêh ăn bân say nau ueh Păng nớh, bân say nau ueh Păng yor ma Brah Krist Yêsu i nớh rklaih bân lể vắch ta dja. Brah Krist Yêsu lể lơh n'groh lơi nau khắ, jêh ri nhhơ ăn bân gắ nắ nau rêh, nau mâu hỏm blao khắ tă bớh nau mhe mhan ueh.\*

<sup>11</sup> Kôranh Brah lể kớih gập jêng kôranh oh mon Păng, kớih gập gay ma mớh nkoch ntũm nti nau mhe mhan ueh dja ma bu†.\* <sup>12</sup> Ndri dăng gập geh nau jêr jốt dja, yơn ma gập mâu ôh đit prêng, yorlah gập gắ jêh Kôranh Brah i gập nsing dja. Păng geh nau dơi mât njrăng dăng lể ndơ

---

\* 1:6 1:6: 1Ti 4:14-15      \* 1:7 1:7: Rôm 8:15; 1Yô 4:18      \* 1:8 1:8: Mat 10:32-33; Rôm 1:16; 3:12; 1Pê 4:16      \* 1:9 1:9: Mâu lah 'Ăn gũ rêh kloh ueh'.  
 \* 1:9 1:9: Tit 3:5-6; Êph 1:4-11      \* 1:10 1:10: Rôm 6:9-10; Hêb 2:14      † 1:11 1:11: Sambüt ơm i nchih ma ti ấbả geh ntop ta dja: 'Ăn ma phung i mâu di phung Israel'.      \* 1:11 1:11: Kar 9:15; Êph 3:7

i Păng lě jao ma gâp<sup>‡</sup> n'ho ma tât nar Brah Krist Yêsu pľř văch tay.\* <sup>13</sup> Ăn may ndjôt nập nau nti di i may lě tăng jêh bớh gâp nớh, jêh ri jan tâng kot. Ăn may gũ ueh ta nau nsing, ta nau rống ma bu i tă bớh Brah Krist Yêsu ăn.\*

<sup>14</sup> Ăn may mât dăng lě ndớ ueh i Kôranh Brah de jao jêh ăn may, Brah Huêng Ueh i kloh ueh i gũ ta bân mra kớl ma may ta nau i nây.

<sup>15</sup> May lě gít jêh ỏk ngăn bunuyh ta bri Asi lě ntłơi gâp, ta phung i nây geh Phikeluh ndrel ma Hờmôkên đống.\*

<sup>16</sup> Gâp dẫn Kôranh Brah ăn nau yỏ ma rnăk vâł Ônêsiphor, yorlah ỏk tở ngăn păng n'hao nuih ăn gâp, păng mầu ôh đít prêng mập gâp, bol lah gâp gũ ta trôm ndrung.\* <sup>17</sup> Nôk păng tât ta ðon kuống Rôm, păng nsrôyh joi gâp tât say.

<sup>18</sup> Gâp dẫn Kôranh Brah ăn nau yỏ ma păng ta nar Kôranh Yêsu văch. May lě gít jêh păng kớl gâp ỏk ngăn ta ðon Êphêsô nớh đống.

## 2

### *Tahen ueh Brah Krist*

<sup>1</sup> Lah ndri ơ kon, ăn may gũ nập ta nau nsing yor ma nau ueh bân geh tă bớh Brah Krist Yêsu.\* <sup>2</sup> Dăng lě nau gâp i may lě tăng jêh ta năp bunuyh ỏk nớh, ăn may jao nau i nây ma bunuyh i răp jăp i blao đơn ntũm nti bunuyh êng jât. <sup>3</sup> Jêh ri nsrôyh đơn nau jêr jốt tâm ban ma gâp, tâm ban ma du huê tahen ueh Brah Krist Yêsu.\* <sup>4</sup> Nôk tahen hăn tâm lớh, păng mầu hôm ôh mân rvê kot nôk gũ ðon lan jât, păng ứch jan ăn ma kôranh păng nớm nây geh nuih n'hâm răm ma păng đờm. <sup>5</sup> Jêh ri lah geh bunuyh ứch

<sup>‡</sup> 1:12 1:12: Mầu lah 'Dăng lě ndớ i gâp jao ma Păng'. \* 1:12 1:12: 2Ti 2:9

\* 1:13 1:13: 2Ti 3:14 \* 1:15 1:15: 2Ti 4:16 \* 1:16 1:16-18: 2Ti 4:19;

Mat 25:36 \* 2:1 2:1: Êph 6:10 \* 2:3 2:3-5: 2Ti 1:8; 3:12; 4:5-8; 1Ti 6:12;

1Kô 9:24-27

tâm rlong nchuăt gay ma geh ndr nkhôm, lah păng mâu  
nsrôyh nchuăt ueh di tâng nau vay bu đă, mâu ôh geh ndr  
nkhôm. <sup>6</sup> Jêh ri bunuyh i jan mir hốt rơah, păng i nây kăch  
ba sông piăng mhe lor bu đổng.\* <sup>7</sup> Ăn may jan tâng nau  
ntât i nây ta nau jan kar ma Kôranh Brah. Ăn may mân  
êng nau gập lah ma may dja, yorlah Kôranh Brah ăn may  
geh nau mân gít blao, dơi gít vât dăng lể ntil ndr.

<sup>8</sup> Jêh ri ăn may kah gít Brah Yêsu Krist jêng rnoi deh  
kadăch Đavid, Păng khât dăk rêh kot gập ntũm nti nau  
mhe mhan ueh.\* <sup>9</sup> Yor ma nau mhe mhan ueh i nây gập  
dơn nau jêr jốt, n'ho ma tât bu nhũp bu kât gập tâm ban  
ma bunuyh dôi. Yơn ma nau Kôranh Brah, bu mâu ôh  
blao nhũp blao kât, bu hôm mboh nkoch. <sup>10</sup> Kot ndr i dăng  
gập nsrôyh dơi ăt nau jêr jốt, gay ma bunuyh i lể Kôranh  
Brah de kơih jêh dơn nau rklaih i geh tă boh Brah Krist  
Yêsu. Ăn khân păng geh nau chrêk lợp n'ho ro.\* <sup>11</sup> Nau i  
dja jêng di ngăn:

Lah bân lể khât ndrel Brah Krist Yêsu,

Bân tay gũ rêh ndrel Păng đổng.\*

<sup>12</sup> Lah bân nsrôyh dơi ăt nau jêr jốt,

Bân mra gũ mât uănh ndrel Păng đổng.

Lah bân rlăch mâu ôh gít nă Păng,

Păng mra rlăch mâu đổng gít nă bân.\*

<sup>13</sup> Bol lah bân mâu ôh gũ răp jăp ma Păng,

Yơn ma Păng mâu ôh ntloĩ bân,

Yorlah Păng mâu ôh dơi rlăch ma săk Păng nơm,

Păng hôm jan nâng ma ndr Păng lể ton.\*

### *Bunuyh jan kar sống*

\* 2:6 2:6: 1Kô 9:7-10 \* 2:8 2:8-9: Mat 1:1; Phi 1:13 \* 2:10 2:10: Kôl  
1:24 \* 2:11 2:11: Rôm 5:2; 6:8 \* 2:12 2:12: Rôm 8:17; 1Kô 6:2-4; Mat  
10:32-33 \* 2:13 2:13: Rôm 3:3-4; 11:29

<sup>14</sup> Ăn may nka h dâng lể phung nsing nau i nây, jêh ri buay ngă khân păng ta năp măt Kôranh Brah, lơi ôh ă khân păng gũ tâm rlăch ma nau mâu geh nau khlay, yorlah nau i nây jan ă nơm i gũ iăt geh nau vĩ, jan ă roh hêng nau nsing đơ. <sup>15</sup> Nsrôyh jan kar ueh gay ma Kôranh Brah rnê. Ăn may mboh nkoch nau Kôranh Brah ma nau ngơi ngă, ma nau đi, jêng bunuyh jan kar ma bu mâu ôh geh nau đit prêng, yorlah lể gĩt păng nơm jan ueh.\* <sup>16</sup> Yơn ma ăn der hồm boh nau ngơi i mâu ueh i mâu geh nau khlay, yorlah nau ngơi i nây ăn bu n'ho ma lơ ma hô jan tih ma nau Kôranh Brah ũch.\* <sup>17</sup> Nau ngơi i nây tâm ban ma sôt sa kũr ta trôm mâu ôh blao bah. Ta mpôl bunuyh i kot nây, ta nây geh bar hê bu klô, du huê rnha Himênê ndrel ma Philêt. <sup>18</sup> Khân păng lể du ngai jêh boh nau ngă, khân păng nti nklă lah bunuyh khăt lể dăk rêh jêh\*. Ndri dâng khân păng lơh n'groh lơi nau nsing bu ăbă. <sup>19</sup> Yơn ma nau ngă Kôranh Brah đăt năp tâm ban ma meh năp mâu blao n'gơ, jêh ri lể geh nchih lah kot nđa: 'Kôranh Brah lể gĩt năl jêh bu moh jêng bon lan Păng nơm'†, jêh ri 'Bu moh i mboh nkoch păng nơm lể nsing ma Kôranh Brah, ăn du ngai hồm boh nau jan djơ'†.\* <sup>20</sup> Ntăt lah ta trôm jay kuông bunuyh ndrông mâu geh ôh ndoh ndr bu jan ma prăk, ma mayh đơ, geh ndoh ndr i bu jan ma si, ndrel ma mon ma neh uk đổng. Nдох ndr ăbă bu đổng ma nau khlay, ndoh ndr ăbă jăt bu đổng ma nau mâu khlay. Kot ndri đổng geh ntil êng êng bunuyh ta phung nsing ma

\* 2:15 2:15: 1Ti 4:6; Tit 2:8 \* 2:16 2:16-17: 2Ti 2:23; 1Ti 4:7; 6:20-21

\* 2:18 2:18: Bu gĩt lah khân păng nti lah 'Mâu hồm geh nau dăk rêh ma bân jăt năp tay ôh', kot ndri mâu hồm geh nau ma nơm boh kơi bân khăt ôh.

† 2:19 2:19: NKơ 16:5 † 2:19 2:19: Nau i nây tă boh nau tâm rnglăp ơm, yơn ma mâu ôh tă boh du ntũk đơ, geh ta KLê 24:16; NMƠ 34:14; Hờ 3:7;

Êsa 52:11. \* 2:19 2:19: Mat 7:22-23; Yôh 10:14

Brah Yêsu. <sup>21</sup> Lah ndri bu moh i du ngai bôh ndơ djơh i này gũ nau kloh ueh, păng jêng tâm ban ma ndơ đổng ma nau khlay, geh nau khlay ngãn ma tơm jay i này. Bunuyh i này blao ma jan ndơ ueh ăp ntil.\*

<sup>22</sup> Lah ndri ăn may der hõm bôh nau kơnh phung drôh ndãm ứch, jêh ri nsrôyh tâng joi nau sồng, nau nsing, nau rống ma bu. Ăn geh nau đăp mpãn ndrel mpôl yok mbah ma Kôranh Brah ma nuih n'hâm kloh hõ.\* <sup>23</sup> Ăn may der nau tâm rlăch rluk, may lể gĩt jêh nau tâm rlăch i này jêng geh nau tâm janh đơm.\* <sup>24</sup> Iăt ma bunuyh i sơm kơl jan kar ma† Kôranh Brah mâu ôh geh nau tâm rlăch. Iăt ma bunuyh i này geh nuih n'hâm mleh ma dăng lể bunuyh, iăt ma blao ntũm nti bu, ndâp ma blao ăt nuih đổng. <sup>25</sup> Ăn bunuyh i này nkah ma bunuyh i tâm rlăch ma păng nơm ma nuih n'hâm mleh, nkhêp lah Kôranh Brah ăn khân păng rgâl lơi nuih n'hâm djơh, gay ma gĩt năl nau ngãn, <sup>26</sup> jêh ri ăn khân păng kah gĩt sắk du klaih bôh đăk Satăng i kôranh mpôl brah djơh, i lể nhữp kăt khân păng, nchâp khân păng đă jan tâng nau păng ứch.

### 3

#### *Ndơ geh ta nar n'glẽ dũt*

<sup>1</sup> Ăn may gĩt nau dja: Ta rnôk bơi ma tât nar n'glẽ dũt tay geh nau jêr ngãn. <sup>2</sup> Nôk này geh ỏk bunuyh rống ma sắk păng nơm đơm, rống ma prăk, n'hi êng sắk, mưch bu, mưch Kôranh Brah, mâu iăt nau mẽ bở, mâu gĩt tôr, mâu yok ma Kôranh Brah,\* <sup>3</sup> mâu geh nau rống ma bu, mâu geh nau yỏ, ngơi nchơt, mâu blao ăt nuih, geh nuih

\* 2:21 2:21: NMƠ 1:1; 2Kô 6:17-18 \* 2:22 2:22: 1Ti 4:12; 6:11 \* 2:23

2:23: 1Ti 4:7 † 2:24 2:24: 'Bunuyh sơm kơl jan kar ma', mâu lah 'Đăk'.

\* 3:2 3:2-5: Mat 10:21; Tit 1:16; Yudđ 1:18-19

n'hâm janh, biãnh ma dâng lẽ ndr ueh, <sup>4</sup> geh nuih n'hâm rläss, nuih n'hâm n'gõch, nuih n'hâm hũn hô ngãn, jêh ri kơnh ma pâl maak rlau ma rông Kôranh Brah. <sup>5</sup> Khân pãng yók mbah Kôranh Brah bõh dih ntô đơ, yơn ma nau đơ Kôranh Brah i blao rgâl nuih n'hâm djõh khân pãng, khân pãng rläch lơi. Lah ndrì ăn may du ngai hõm bõh bunuyh i kọt nây, <sup>6</sup> yorlah ta mpõl khân pãng i nây, geh bunuyh abã hãn ta jay bu, jêh ri mbrõh rläss phung bu ur i rluk mäl ma nau nti tih khân pãng. Phung bu ur i nây đơ nau tih khân pãng nơm hô ngãn, ta sãk khân pãng ri geh nau kơnh ăp ntil ngãn. <sup>7</sup> Phung bu ur i nây nti bảbõr ngãn, yơn ma nau ngãn mâu gít vât. <sup>8</sup> Nau nsing phung nơm nti nây mâu geh ngãn ôh, nuih n'hâm khân pãng djõh hô ngãn, khân pãng tâm rläch đah nau ngãn tâm ban ma Yanês, ndrèl ma Yamprês\* tâm rdâng hô ngãn đah Môsê rnõk käl e nơh. <sup>9</sup> Nau jan kar khân pãng mâu hõm jêng ôh, yorlah ta jât năp tay dâng lẽ bunuyh say nau mân rluk mäl ta khân pãng, tâm ban ma bu say nau mân rluk mäl Yanês, ndrèl ma Yamprês käl e nơh đõng.

### *Nau ntỉnh ma Timôthê*

<sup>10</sup> Lõng i may nây, may lẽ iăt jêh nau gập ntũm nti, lẽ say lẽ tâng đõng ndr gập jan, ndr gập ntrõng ta nau rêh gập, nau gập nsing, nau gập ăt nuih, nau gập rông ma bu, nau gập nsrõyh đơ nau jêr.\* <sup>11</sup> Jêh ri may lẽ say đõng nau bu jan jêr ma gập, ndrèl ma nau jêr jõt gập ta bõn Öntiyõk†, bõn Ikõniam, bõn Lisatra. Bõl lah gập geh nau jêr jõt dũt hô kọt nây kãđõi, yơn ma Kôranh Brah lẽ rklaih gập đơ

\* 3:8 3:8: Ta sambũt phung Israel a êng, geh rnha Yanês, ndrèl ma Yamprês i bu n'hũm Pharaon i bunuyh tâm rdâng đah Môsê (NNg 7:11-12, 22; 8:18-19). Yơn ma ta nau tâm rnglăp ơm mâu geh tẽ rnha ma khân pãng ôh. \* 3:10 3:10: 1Kõ 11:1 † 3:11 3:11: Dja bõn Öntiyõk ta bri Phisidia.

dâng lě bôh nau i nây.\* <sup>12</sup> Bu moh i ũch gũ rêh tâm di ma nau Kôranh Brah ũch, nsing ma Brah Krist Yêsu, geh bu jan jêr đống.\* <sup>13</sup> Lõng phung djơh m̄hik, phung m̄brôh klõr, khân pãng jan ndr̄ djơh lơ ma hô lơ ma hô ngãn, leo bu ma nau m̄brôh, jêh ri geh bu a êng leo khân pãng ma nau m̄brôh đống. <sup>14</sup> Yơn ma may, ăn may ndjôt nập hõm moh ndr̄ i may lě jêh nti, ndrel ma ndjôt nập hõm moh ndr̄ i may lě geh nsing, yor ma may lě gĩt n'hêl jêh, bu moh ntũm nti nau i nây nơh ăn ma may!\* <sup>15</sup> Ntơm bôh may hõm jẻ may gĩt năl Nau Kôranh Brah Ngơi. Nau Kôranh Brah Ngơi i nây ăn may geh nau m̄n gĩt blaol, gay ma geh nau rklaih yor ma nsing ma Brah Krist Yêsu.\* <sup>16</sup> Dâng lě Nau Kôranh Brah Ngơi, jêng tã bôh Kôranh Brah ăn Brah Huêng Ueh ăn bu nchih, geh nau khlay ma ntũm nti, ma nkah ăn kah gĩt sắk, ntũm nti hăn di trong, ntũm nti nau gũ rêh ăn sỏng, <sup>17</sup> gay ma nơm jan kar ma Kôranh Brah gũ geh nau gĩt blaol, ndrel ma geh ndrăp sắk, gay ma jan ndr̄ ueh ăp ntil.

## 4

<sup>1</sup> Gập dẫn m̄bôh ma may dứt nau ngãn ta năp mắt Kôranh Brah, ndrel ma ta năp mắt Brah Krist Yêsu i nơm phat dôi h bunuyh khât ndăp ma bunuyh rêh, jêh ri gập dẫn m̄bôh ma may dứt hô ngãn, yor ma Brah Krist Yêsu mra plở văch gay ma m̄t uảnh bri kađăch Pãng nơm.\* <sup>2</sup> Ăn may m̄bôh nkoch nau Kôranh Brah, jêh ri nsrôyh ngãn, bol lah nôk ueh kađôi m̄u ueh kađôi, nti n'hêl ăn bu vât, lah bu ăn dăng, n'hao nuih n'hâm bu. Ăn may jan ndr̄

\* 3:11 3:11: Kar 13:50-51; 14:5-6, 19 \* 3:12 3:12: Mar 8:34-35; 13:9, 13; Yôh 15:18-20; Kar 14:22; Rôm 5:3; 8:18; 2Kô 4:17; Phi 1:29-30; Kôl 1:24; 1Tê 3:3-4; 2Tê 1:4-5; 1Pê 4:1 \* 3:14 3:14: 2Ti 1:13 \* 3:15 3:15-16: 2Ti 1:5; Yôh 5:39; Rôm 15:4; 2Pê 1:19-21 \* 4:1 4:1: Yôh 5:22-23; Kar 17:31; Rôm 2:16

i nây lơi ôh dâl, ntũm nti bu rãp jãp,\* <sup>3</sup> yorlah jât nãp tay bunuyh mâu ũch ôh iãt nau ntũm nti di. Lõng khân pãng joi nỡm nti ỏk ngãn tâng nuih n'hâm khân pãng nỡm ũch, gay ma ueh tởt iãt đờm.\* <sup>4</sup> Khân pãng mâu ũch ôh iãt nau ngãn, iãt nkhờng bu nkoeh đờn i mâu ngãn chrao. <sup>5</sup> Yỡn ma may nây, ỏn may geh nuih n'hâm nập rkak dãng lẽ ntil đờ, nsrờy h đờn nau jẻt jỏt, ỏn may jan kar mboh nkoeh nau mhe mhan ueh, đẩp ma jan kar may nỡm ỏn ueh uãch đờng.\*

<sup>6</sup> Lõng i gập dja, mong bu nchai mham gập tâm ban ma bu nkhũt ndrảnh ma jan brah lẽ bời tât jẻh, nar gập khât bời tât.\* <sup>7</sup> Gập lẽ tâm lơi jẻh nau tâm lơi ueh, gập nsrờy h jan lẽ đờ i Kờranh Brah ỏn ma gập jan n'ho ma tât nar dja\*, jẻh ri nau nsing gập hỏm nập kỏt ỏm đờng.\* <sup>8</sup> Abỏo dja Kờranh Yẻsu, i Kờranh phat đờih sỏng, lẽ ndrãp jẻh đờ nkhỏm† nau rẻh sỏng ỏn ma gập. Đờ i nây Pãng ỏn ta nar Pãng vạch tay, Pãng mâu ôh ỏn ma du huẻ gập đờm, Pãng ỏn dãng lẽ bunuyh i gũ kỏp Pãng vạch đờng.\*

### *Nau ntỡnh ỏn ma Timôthẻ nỡm*

<sup>9</sup> Jẻh ri nsrờy h ỏn a gập ỏn gờnh. <sup>10</sup> Nỏ Đẻmas lẽ mảbẻ lơi gập, yorlah pãng rờng neh ntu dja, abỏo dja pãng lẽ ỏn ta bỏn Tẻsalỏnik. Nỏ Krẻsẻn lẽ ỏn ta bri Galati, jẻh ri nỏ Titus lẽ ỏn ta bri Đảlmatia đờng.\* <sup>11</sup> Hỏm e du huẻ nỏ Luka đờm gũ ndrẻl gập. Gập đản may leo nỏ Markỏs ỏn ndrẻl ta dja đờng, yorlah pãng geh nau khlay ma kỏ

\* 4:2 4:2: Kar 4:20 \* 4:3 4:3-4: 2Kỏ 4:3-4; 2Tẻ 2:9-11 \* 4:5 4:5: 2Ti 2:2-3; 3:12 \* 4:6 4:6: Kar 20:24; Phi 1:21-22; 2:17 \* 4:7 4:7: 'Gập nsrờy h...dja', ta nau ngỏi Grek lah: 'Gập lẽ lỏch jẻh nau tâm rlong nchủt'. \* 4:7 4:7: 1Ti 6:12 † 4:8 4:8: 'Đờ nkhỏm', mâu lah 'Mỏk kađỏch'. \* 4:8 4:8: 1Kỏ 9:24-27; Phi 3:12-14; Kỏl 2:18; Yak 1:12; 2Kỏ 5:10 \* 4:10 4:10: Kỏl 4:14; Tit 1:4

ta ndơ gâp jan.\* <sup>12</sup> Gâp lě njuăl nô Tikhikus hăn ta bon Êphêsô.\* <sup>13</sup> Nôk may hăn ta dja tay, ăn may ndjôt ao kuông gâp ta jay nô Karpôs ta bon Trôas này, ndrel ma ndjôt sambüt gâp đống, jêh ri i khlay rlau bu jêng sambüt i nchih ta ntô. <sup>14</sup> Nô Alêksăntrus i bunuyh blao jan ndơ ma kông, păng jan djơh ma gâp hô ngăn. Yơn ma Kôranh Brah mra plơng ma păng tâng nau păng jan. <sup>15</sup> Lah ndri ăn may njrăng păng đống, yorlah păng tâm rdâng hô ngăn đah nau bân ntũm nti.

<sup>16</sup> Nôk gâp ngơi plơng ơh ma bu bôk dak ta năp kôranh phat dôih, mâu geh ôh du huê bunuyh gũ kơl gâp. Dâng lě khân păng mbăr gâp dadê. Dăn Kôranh Brah lơi ôh klăp ndăng nau i này ma khân păng.\* <sup>17</sup> Yơn ma geh Kôranh Brah kơl gâp, ndrel ma ăn gâp geh n'hâm suan, gay ma gâp dơi mboh nkoch nau mhe mhan ueh ăn ma dăng lě phung i mâu di phung Israel ta này iăt. Jêh ri Păng lě rklaih jêh gâp i bu bơi ma tễ dôih ma nkhât gâp đống. <sup>18</sup> Kôranh Brah mra rklaih gâp bơh dăng lě nau djơh, Păng mra măt njrăng gâp ăn gâp gũ ta bri kadăch Păng ta kalơ trôk ntũk Păng nơm gũ ri. Ăn rnê nau chrêk lợp Kôranh Brah nơm babơ n'ho ro, ơ ăn geh kơt này ngăn ro†.

### *Nau ntỉnh n'glễ dũt*

<sup>19</sup> Dăn ộp nau ueh lăng ma yôh Prisil, nô Akilas, ndâp ma rnăk vâl nô Ônêsiphor đống.\* <sup>20</sup> Nô Êrastus hôm gũ ta bon Kôrintô, jêh ri nô Trôphim geh nau ji. Ndri gâp hôm ăn păng gũ ta bon Milêt, nôk gâp lờh bơh bon i này nơh.\* <sup>21</sup> Lah ndri ăn may nsrôyh hăn ê lor ma khay ji kăt. Nô Ôbulus, nô Puđen, nô Linus, yôh Klôdia, ndrel ma dăng lě

\* 4:11 4:11: Kar 12:25 \* 4:12 4:12: Kôl 4:7 \* 4:16 4:16: 2Ti 1:15

† 4:18 4:18: 'Ơ ăn geh kơt này ngăn ro', mâu lah 'Amen'. \* 4:19 4:19: Kar

18:2-3; 2Ti 1:16-18 \* 4:20 4:20: Kar 19:22; 20:4; 21:29

oh nô êng jât, khân păng ôp nau ueh lăng may dadê. <sup>22</sup>Dăn Kôranh Yêsu gũ ndrel may, dăn nau ueh Kôranh Brah gũ ndrel khân ay may!§

---

§ 4:22 4:22: Sambüt om i nchih ma ti abă geh ntop: ‘Ô ăn geh kot này ngăn ro’, mâu lah ‘Amen’.

Nau Kôranh Brah Ngơi Nau Tâm Rnglăp Mhe  
Mnong, Central: Nau Kôranh Brah Ngơi Nau Tâm Rnglăp Mhe New  
Testament

Copyright © 2016 Wycliffe Bible Translators, Inc.

Language: Central Mnong

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 10 Feb 2021 from source files dated 6 Feb  
2021

e066eeff-60da-5ff7-9822-f65015bcd247